

金石三例
再續編

槐廬署

李富孫漢魏六朝墓銘纂例

馮登府金石綜例附金石跋文

梁廷枏金石稱例附續編

光緒戊子春月校刊
朱氏行素州堂藏板

金石三例再續編序

文章者博學而詳說行乎其所當行止乎其所當止夫何例之有然而經垂訓史記事舉必遵道用不違義分馳而合軌殊體而一致是雖不以例言而例在其中顧未有明言之者有之自杜氏春秋釋例始金石之文蓋史之餘體自三代以降文之以金石傳者不知其凡幾亦未有明言其例者有之自潘氏昂霄金石例始是言例之書非古也而今之作者固不可以不知矣然潘書雖舉金石爲名僅以韓文爲斷王氏行病其未廣頗有附益箸爲墓銘舉例黃氏宗義又辯正潘書而補輯之爲金石要例乾隆間盧氏見曾嘗彙爲一編曰金石三

例惟三例大抵取自唐宋人之文而他尙略讀者猶未
饜焉於是繼而作者上自三代下訖宋元益推求其例
之所在以輔三例之不足僂指以計不乏名家曩馮竹
儒觀察與朱君懋之將徧蒐其書以廣盧氏之意既觀
察得王氏芑孫三例評本重付諸梓未幾觀察歸道山
懋之乃與徐君子靜衷集梁氏玉繩金石例補郭氏磨
誌銘廣例劉氏寶楠漢石例爲金石三例續編猶觀察
意也而懋之復勤求不倦比年又訪得李氏富孫漢魏
六朝墓銘纂例梁氏廷柑金石稱例馮氏登府金石綜
例仍彙而刊之曰金石三例再續編凡世所言金石例
之書幾乎備矣盧氏輯刊於前觀察踵議於後懋之乃

集其成將以與夫世之爲金石文者博攷而約守之知
夫例所以律文文之境無盡而例之用亦無窮若夫會
古今之通達常變之宜行乎所當行止乎所當止則又
在讀者之神而明之矣光緒十有四年二月華亭閔萃

祥撰

漢

魏

六

朝

墓

銘

纂

例

光緒丁亥校刊
行素州堂藏版

古之葬者有豐碑。呂寔鄭康成謂斲大木如石碑。劉熙言碑本葬時所設。臣子追述君父之功。呂書其上。春秋時孔子題延陵季子墓。碑一十字。歷秦迄漢有墓闕有神道。弟猶尙簡質。不過題數字記姓名而已。其有文而傳於後者。放於東都謁者景君墓表。厥后伐石。棗銘盛於一時。是皆祿縣綽下寔之石。葬遂刻文於其上。至晉代始有墓誌。呂薤諸幽室。然晉衛靈公葬沙邱。掘得石椁。銘開元時人耕地得比干墓誌。刻其文。呂銅槃漢滕公夏侯嬰得定葬石銘。呂覽安死篇云爲石銘置之壟上。則其來亦遠矣。魏武帝時禁立墓碑。晉令諸葬者不得作祠堂碑。石獸下逮六朝文字漸罕。及唐宋而復盛。

韓柳諸公易整爲散體格亦大變明初王止仲呂唐宋
十五家碑誌謨墓銘舉例四卷撮例之要十有三事已
足呂摺其大凡顧十五家之文譬諸黃河之水已過積
石龍門但見其流之飀輪奔注而未知昆侖呂上之原
之所在也然則欲溯墓銘之原者必於東漢之世文辭
體例參錯不一其諱字姓氏鄉邑族出與壽卒葬有
書有不書至妻若子或合葬及樹碑則書之而書葬地
廡見於蔡中郎諸碑非若後世之必欲詳著之南北朝
多駢偶猶是漢製體修詞之意鄱陽洪氏謂漢人銘墓
皆一律殆祇論其文而未窹其例也予惟鄉前輩朱竹
垞檢討之言因取洪氏隸釋隸續所載益呂六朝人碑

製及有墓石之出於近世者略仿止仲之瀋臚而刻之
曰墓銘纂例其敘其銘雖各異體舉皆可見則合止仲
之例觀之庶不至沿其流而忘其原也與

嘉慶七年歲在元默閏茂涂月朔李富孫自序

世宗

漢魏六朝墓銘纂例卷一

嘉興李富孫學

謁者景君墓表

漢元初元年

首書某年月日卒次敘刺碑之由次作辭次作銘此正例也碑陰有諸生服義者十五人義士一人餘僮弟子皆立碑之人也洪氏适曰東都自路都尉始見墓闕蓋表阡銘壙之濫觴也有文而傳於今則自景君始朱氏彝尊曰墓有表古也始於漢謁者景君其崇四尺其制圭首方趺其文由左而右誌石納諸壙中而表立於既葬之後所以表封陌限樵牧述功美禮不可以廢也

郟令景君闕銘

元初四季

首書某年月日卒與謁者景君同例下卽述景君事
又一例也墓闕語多從略此爲較詳

李昭碑

元初五季

首書諱字族望不著姓以有額篆漢故李君之碑也
此碑篆書共額七十三字各家俱不載

北海相景君銘

漢安二季

首書惟某年月日卒而不載其名字與前兩景君碑
同例下述故吏諸生之論佗誄辭四言用韻後又有
爾日亦四言句末用兮字爲語助若楚辭此變例也
碑陰三列第三列姓名下云行三季服者凡八十七

人末有四言韻語十八句以志立石著辭之意又一
例也全氏祖望曰有誄又有亂亦唐以後碑所希錢
氏大昕曰碑末云諒闇沈思又云陵成宇立諒闇卽
亮陰似非臣下可用而稱墓爲陵亦後世所宜回避
也梁氏玉繩曰北海相景君樊敏柳敏諸碑銘後皆
有亂曰一段綏民校尉熊君碑銘詞之後又有追敘
君兮一段楊炯成知禮神道碑銘倣此製也

敦煌長史武斑碑

建和元年

首書立碑年月日著官爵著姓不言某郡人此又一
例也洪氏曰漢碑多門生故吏所立至於同舍爲之
者惟武斑及柳敏兩碑梁氏曰碑末一行云紀伯允